

Sicut cedrus Líbani multiplicábitur.

**Oratio.** Infirmitátem. ut supra.

DIE XIII. JANUARII.

In ij. Vesperis diei Octavæ Epiphaniæ fit commemoratio S. Hilarii Episc. Conf. et Eccl. Doct.

**Aña.** O Doctor óptime Ecclésiae sanctæ lumen, beáte Hilári, divinæ legis amátor, deprecáre pro nobis Fílium Dei.

**F.** Amávit eum Dóminus et ornávit eum. **B.** Stolam glóriæ induit eum.

**Oratio.**

**D**eus qui pópulo tuo aetérnæ salútis beatum Hilárium ministrum tribuísti : præsta quæsumus ; ut quem Doctórem vitæ habúimus in terris, intercessórem habére mereámur in cœlis. Per Dóminum.

ORATIO

A PAPA URBANO VIII

EDITA.

**A**NTE óculos tuos, Dómine, culpas nostras fériimus, et plagas quas accépimus confériimus.

Si pensámus malum quod fécimus, minus est quod pátimur, majus est quod merémur.

Grávius est quod commísimus, lévius est quod tolerámus.

Peccáti pœnam sentímus, et peccándi pertináciā non vitámus.

In flagéllis tuis infírmitas nostra téritur, et iniquitas non mutátur.

Mens ægra torquéatur, et cervix non fléctitur.

Vita in dolore suspírat, et in opere non se eméndat.

Si exspéctas, non corrígimur : si víndicas, non durámus.

Confitémur in correctiōne quod égimus : oblíviscimur post visitatiōnem quod flévimus.

Si exténderis manum, faciénda  
promíttimus : si suspénderis glá-  
dium, promíssa non sólvimus.

Si férias, clamámus ut parcas :  
si pepérceris, íterum provocá-  
mus ut férias.

Habes, Dómine, confiténtes  
reos : nójimus quod nisi dimít-  
tas, recte nos périmas.

Præsta, Pater omnípotens sine  
mérito quod rogámus, qui fecí-  
sti ex níhilo qui te rogárent. Per  
Christum Dóminum nostrum.  
Amen.

**R.** Gregem tuum, Pastor ætér-  
ne, non déseras.

**R.** Sed per beátos Apóstolos  
tuos perpéta defensióne custó-  
dias.

**R.** Prótege, Dómine, pópulum  
tuum ad te clamántem, et Apo-  
stolorum tuorum patrocínio con-  
fidéntem.

**R.** Perpéta defensióne custódi.

**R.** Oráte pro nobis, sancti Apó-  
stoli Dei,

**R.** Ut digni efficiámur promis-  
siónibus Christi.

### Oratio.

PRÆSTA, quæsumus, omnípotens  
Deus, ut nullis nos permittas  
perturbationibus cóncuti, quos  
in Apostolicæ confessiónis petra  
solidásti. Per Dóminum nostrum  
Jesum Christum Fílium tuum :  
Qui tecum vivit et regnat in uni-  
tate Spíritus sancti, Deus, per  
ómnia sæcula sæculórum. Amen.

IMPLORET, clementissime Dómi-  
ne nostris opportúnam necessi-  
tátibus opem devóte a nobis pro-  
láta meditatio, qua sanctus olim  
Joánnes Chrysóstomus, in hac  
Basilica cónditus, te cum beatís-  
simis Apóstolis Petro et Paulo re-  
præsentávit sic colloquéntem :  
Circúmdate hanc novam Sion, et  
circumvalláte eam, hoc est, cu-  
stodíte, muníte, prémibus firmá-  
te, ut quando irásco in témpore,  
et orbem terræ concútio, aspi-  
ciens sepúlchrum vestrum nun-

quam desitúrum, et quæ libénter  
propter me géritis stigmata, iram  
misericórdia vincam, et ob hanc  
percípiam vestram intercessió-  
nem. Etenim quando Sacerdó-  
tium et Regnum vídeo lacrymá-  
ri, statim quasi compatiens ad  
commiseratiónem flector, et il-  
líus meæ vocis reminiscor, Pró-  
tegam Urbem hanc propter David  
servum meum, et Aaron sanctum  
meum : Dómine, fiat, fiat, Amen,  
amen.

Cum Officium in festo Epiphaniæ D. N. J. C. et per  
Octavam recitandum, a Venīli Dño G. Van Caster eccle-  
siæ nostræ metropolitanæ Canonico honorario, pro ma-  
jori recitantium commoditate dispositum et compleatum,  
a Sacra Rituum Congregatione revisum sit et approba-  
tum, præsentem memorati Officii editionem, opera  
typographi nostri H. Dessain jam absolutam et cum  
Originali exemplari concordantem, approbamus et  
evulgandi licentiam damus.

Mechliniæ, die 2 Junii 1890.

**PETRUS LAMBERTUS, CARD. GOOSSENS,**  
**Archiepiscopus Mechlinien.**

MECHLINIÆ, H. DESSAIN. — MDCCXC.

